

UNTUK SIARAN SEGERA



**KENYATAAN MEDIA
KEMENTERIAN PENDIDIKAN MALAYSIA

PENGURUSAN PENGENDALIAN
PEPERIKSAAN SIJIL PELAJARAN MALAYSIA TAHUN 2022
DALAM SITUASI BANJIR**

Kementerian Pendidikan Malaysia (KPM) merujuk kepada situasi banjir yang melanda beberapa buah negeri di seluruh negara yang turut memberi kesan kepada calon peperiksaan Sijil Pelajaran Malaysia (SPM) tahun 2022. Keadaan cuaca yang tidak menentu dan hujan lebat berterusan telah menjelaskan kelancaran pengurusan pengendalian peperiksaan SPM tahun 2022.

KPM sentiasa cakna dengan situasi semasa dan siap siaga dengan prosedur operasi standard dan langkah persediaan yang sewajarnya bagi memastikan peperiksaan SPM tahun 2022 dapat diteruskan dengan lancar dan teratur. Pengurusan pengendalian peperiksaan SPM tahun 2022 dalam situasi banjir dilaksanakan berpandukan kepada Pekeliling Persediaan Menghadapi Banjir yang Mengancam Perjalanan Peperiksaan (Operasi Payung) Bil.1/2001.

Berikutnya hujan lebat berterusan pada 1 Mac 2023, sebanyak 17 pusat peperiksaan di negeri Johor, Pahang dan Sarawak telah terjejas. Daripada jumlah ini, sebanyak tujuh pusat peperiksaan tidak dapat dibuka disebabkan terputus hubungan dan jalanraya tidak dapat dilalui oleh semua jenis kenderaan. Di Johor dan Pahang, seramai 195 calon terkesan dengan banjir namun berjaya digerakkan ke pusat-pusat peperiksaan yang berhampiran dengan bantuan agensi kerajaan untuk menduduki peperiksaan.

Manakala, seramai 431 calon terkandas dalam banjir dan tidak dapat hadir di pusat peperiksaan yang dijadualkan atau pusat peperiksaan yang berhampiran. KPM melalui Lembaga Peperiksaan (LP) sedang mengumpulkan maklumat terperinci mengenai calon yang terlibat dan penjadualan semula peperiksaan SPM tahun 2022 akan dilaksanakan bagi kesemua 431 calon tersebut.

Semua calon peperiksaan SPM tahun 2022 turut dinasihatkan untuk memaklumkan kepada pihak sekolah atau Jabatan Pendidikan Negeri (JPN) dengan segera sekiranya terkandas dalam banjir dan tidak dapat hadir di pusat peperiksaan yang telah ditetapkan atau mana-mana pusat peperiksaan berhampiran. Calon juga boleh menghubungi talian bilik gerakan banjir yang disediakan di ibu pejabat LP dan JPN di seluruh negara seperti di lampiran. Penjadualan semula peperiksaan akan dilaksanakan bagi calon berkenaan setelah mendapat pengesahan Pengarah Pendidikan Negeri.

KPM sentiasa komited untuk melakukan yang terbaik dan akan terus memantau situasi banjir sepanjang peperiksaan SPM tahun 2022 berlangsung. KPM juga mendoakan agar semua calon dapat menduduki peperiksaan dalam keadaan sihat, selamat dan sejahtera.

-TAMAT-

**KEMENTERIAN PENDIDIKAN MALAYSIA
2 MAC 2023**

LAMPIRAN**BILIK GERAKAN LEMBAGA PEPERIKSAAN
DAN JABATAN PENDIDIKAN NEGERI**

NEGERI	BILIK GERAKAN	NOMBOR TELEFON
WP PUTRAJAYA	LEMBAGA PEPERIKSAAN	03-8889 3520
		03-8889 3601
		03-8889 3551
PERAK	SPP PERAK	05-501 5170
		05-501 5176
		05-501 5172
SELANGOR	SPP SELANGOR	03-551 86120
PAHANG	SPP PAHANG	09-571 5736
KELANTAN	SPP KELANTAN	09-744 1411
SABAH	SPP SABAH	010-955 6458
JOHOR	SPP JOHOR	07-231 0003
KEDAH	SPP KEDAH	04-740 4237
		04-740 4335
		04-740 4247
MELAKA	SPP MELAKA	06-232 6467
NEGERI SEMBILAN	SPP NEGERI SEMBILAN	06-765 3347
PULAU PINANG	SPP PULAU PINANG	04-263 1472
PERLIS	SPP PERLIS	04-973 7632
SARAWAK	SPP SARAWAK	082-473 507
		082-473 519
		082-473 520
TERENGGANU	SPP TERENGGANU	09-621 3038
WP LABUAN	SPP LABUAN	087-468 623
WP PUTRAJAYA	SPP PUTRAJAYA	014-337 9793
WP KUALA LUMPUR	SPP KUALA LUMPUR	03-6204 6180

Nota:

SPP: Sektor Pentaksiran dan Peperiksaan